


CITONGA – “The Two Roads”

# Inzila Zyobile



## **KUSALA NZILA**

Kuciindi nitunyamuka kuya mulweendo kubusena nkotutazi, kusaanguna tuleleleda kubuzya nzila njitwelede kuunka anjiyo. Menso esu kalangide kumbele nkotuya, kuti na twabona kuti tuli munzila ilubide, tulapiluka kufwambaana akuyandaula nzila ili kabotu. Mazuba oonse yebo andime tuli mulweendo munyika eyi kuunka kubuuni butamani. Kubusena butakamani, kujulu alimwi kutasanduki pe. Twakusika nkuko tuyoooba akukomana kapati.

## **BBUKU LITUSOLELELA SWEBO**

Leza muluyando amuluzyalo lwakwe, wakatupa bbuku swebo lituzulwidila kubuuni butamani, eli nde bbuku lyamakani mabotu-lbbabbele. Lyalo litutondezye inzila ili kabotu iya kujulu. Makani alembedwe mupepa eli azwa mu Bbabbele. Majwi anu ndilambe kuzituta zyangu, mumuni kunzila zyangu. (Intembauzyo 119:105).

## **IGWAGWA PATI**

Mugwagwa eli muli bantu banji maningi, nkaambo mulyango ulikwazeme.

Igwagwa ipati loko ndelitola kukunyonyooka, nkabela banjila mulinjiyo mbanji. (Matayo 7:13).

Ibantu banji menso aabo alofweede tabalangi pe. Tabazi antela tabacenjeli, kuti bali munzila iitola kukunyonyooka. Inzila nkwiili iiluleme kumenso aamuntu pele kumamanino itolakulufu. (Tusimpi 14:12). Nkaambo kuli mbabo muzimu waansi ano wasof Wazya menso abaabo batazumini, kuti batapasudwe mumuni wamakani mabotu abulemu bwa Kristo, nguwe cikozyano ca-Leza. (2 Ba-kolinto 4:4).

## **IMIKULI YA ZIBI**

Ibantu balimukweenda munzila eyi boonse buyo mbasizibi. "Nkaambo boonse babisya akulela kubulemu bwa-Leza." (Ba-Roma 3:23). Tatukozyi kusisa zibi nikuba zili buti kuli Leza Pele Jehova talangi mbuli muntu mbwalanga pe. Muntu ulabona busyu buyo mikuli yabo ilaangidwe kumisana. (1 Samuele 16:7). Yebo andime tatukonzyi kuleka zibi zili buti munguzu zyesu tolike. Imikuli ilalema mucindi cakweenda. Caabilo cazibi ndufu. (Ba-Roma 6:23).

## **IMUMUNI**

Mumuni oyu uli mucifwanikisyo utondezya lubeta lwa-Leza. Lino mbuli mbukubede kuti bantu kabanga kabafwa lweendo lomwe, elyo babetekwe. (Ba-Hebrayo 9:27). Lino ndakabona cuuno mpawo ndakabona bafu boonse, bapati abaniini, balimvwi kunembo lya Leza, elyo ma-bbuku akavununwa, alimwi kwakavununwa lbbuku limwi, nde bbuku lyabuumi. Nkabela bafu bakabetekwa mbuli makani aalembendwe mumabbuku, mbuli milimo yabo. Nkabela umwi aumwi lwatakajana izina lyakwe mubbuku lya-buumi wakasowelwa muziba lya mulilo. (Ciyubunuzyo 20:11,12,15).

## **IMULILO**

Mbuli Leza mbwasalala abwini, kulelede kuba cisubulo kuli umwi aumwi ubisya. Majwi aa-Leza atwambila kuti kuli gehena lya mulilo utamani, nikuba kutazimika. Kubusena bwacisubwido kuli baabo batamumvwi Leza. Ibbabbele litwambila kuti basizibi bayoopilusigwa kubusangu, abamasi oonse baluba Leza. (Intembauzyo 9:17). Yebo muso nobala pepa eli toyelede kuti ube sizibi pe, kutegwa utakapyi mulilo. Nkaambo kumulilo nkubusena bwabaabo baluba Leza. Pele Leza ngu Leza siluyando. Nkaambo tayandi kuti bantu bafwidilile muzibi zyabo pe, uyanda kuti boonse bajane ciindi cakweempwa kutegwa bakafutuke. (2 Petro 3:9). Muluziyalo lwakwe lupati aluyando walo wakatupa inzila yakucijila. Mapenzi acisubulo, eyi nzila njaboonse baiyanda. Sena yebo nubala pepa eli ulayanda kujana nzila yabuumi?

## **INZILA YABUUMI – MUFUTULI**

Nkaambo swebo tatukonzyi kuleka zibi zyesu, munguzu zyesu tolike peepe, antena kucija kucisubulo cakasimpe cazibi zyesu mubusongo bwesu tolike, tacikonzeke pe. Aboobo nkikaambo kaako Leza ncatapeda Mufutuli. Nkaambo obuya Leza mbwakayandisya nyika wakapa mwanaakwe simuzyalwa alike, kuti umwi aumwi umusyoma atakafwidilili pele abe abuumi butamani. (Johane 3:16). Taatesu wakujuku Jehova Leza. Wakatuma mwanaakwe simuzyalwa alike mwami wesu Jesu Kristo kuzwa kujulu kusika kuno kunyika yaansi. Wakali mbuli muntu uulya maila, nikuba boobo takwe

nakacita zibi mubuumi bwakwe boonse pe. Walo wakali kwide kuya bweenda akucita zibotu akati kabantu. Wakali kuponya malwazi, kusalazya basicinsenda, kugwisya madaimona, myuya mibi, kulekelela baleka zibi zyabo akusanduka, kuyisya akukambaukila bantu makani mabotu aa-Leza.

Pele kwakali kweelede kuti muntu afwe nkaambo kazibi zykwe. Pele cintu cakayandika ncakuti mwana amuntu afwe kuti abe mupaizi mupati wandiswe toonse, wakalyaaba buumi bwakwe muntu utakwe mulandu wazibi pe, wakatila bulowa bwakwe kuti aliye-nikuba-kubbadela mulandu wzibi zyesu. Aboobo wakalekela bantu babiyo kuti bamujate, akumuuma caluciso kusikila kumusana wakwe kwakazwa bulowa amibunda. Akumusamika musini wamamwva kumutwe wakwe. Bakamugagaila aciingano kumaanza akuzituta zyakwe mpeena bakamwaanzika kuti afwe bulanga. Wakafwida nduwe andime. (1 Petro 2:24).

## **KUBUKA KWAKWE**

Kwakainda buyo mazuba ali otatwe mucuumbwe, mbube Jesu wakabuka kuzwa kubafu. Wakeenda akwambaula abasikwiiya bakwe, mpeena kwakainda buyo mazuba aali makumi one (40) wakatanta kuya kujulu kuli wisi, oko nkwaakukala kululyo lwa Leza. Mufutuli wabuumi bwa bantu boonse, anguzu zyoonse, kujulu aanso ano. (Matayo 28:18). Nkaambo kaako walo ujisi nguzu zitamani zya kubafutula abo baswena kuli Leza. (Ba-Hebrayo 7:25).

## **KUJULU**

Kujulu nkubusena oko nkwakala Leza abulemu bwakwe boonse. Mwami Jesu Kristo wakati nkaambo ndiya kukumubambila busena. Kuti nandainka kuyoomubambila busena ndiyoooboola alimwi, nzomutolelele, kuti oko nkwembede anywebo mukabe nkuko. (Johane 14:2:3).

Oko nkubusena bubotu maningi. Nkabela uyo sindula misozi yoonse kumenso aabantu takukoyooba lufu limbi pe, nikuba kuomoka nikuba kulila nikuba kuciswa, nkaambo zintu zyakale zyamanina. Takukoyooba limbi masiku, nkaambo mwami Leza nguyobamunikila, kubusena oko. (Ciyubuzyo 21:4; 22:5). Pele kuli nzila yomwe buyo iinka kujulu. Mwami Jesu wakati ndime nzila ndime buumi ndime kasimpe, takukwe uza kuli taata pele muli ndime. (Johane 14:6). Takukwe lufutuko kuliumbi naba omwe pe. Nkaambo takukwe zina limbi kujulu aanso lipegwa bantu, ndotweelede kufutulwa andilyo. (Incito 4:12).

## **INO INGA TWAJANA BUTI ZILA IYIA KUJULU ?**

- 1. Amusanduke mummyo yanu muzumine makani mabotu.** (Marko 1:15).
- 2. Amuboole kumwami Jesu,** mukukomba, kuti amulekelele zibi zyanu. Amuboole mbuli mbumubede amukuli wazibi zyanu. Mpene mumukumbile lulekelele nkaambo walo wakaamba kuti awalo uza kuli ndime nsikoomutande- akaniini pe. (Johane 6:37).
- 3. Musyome muli Jesu momuli lufutuko lwanu-alimwi bulowa** bwa Jesu Kristo mwana wakwe bulutusalazya kuzibi zyoonse. (1 Johane 1:7).
- 4. Uya kumupa buumi bupya.** Buumi butamani. Kristo wakati oyo uumwva ijwi lyangu, akusyoma wakandituma, uli abuumi butamani, alimwi takoyoosika kubetekelo pele wakazwa kukufwa waya kubuumi. (Johane 5:24). Aboobo

kuti muntu waba muli Kristo, wabamulenge mupya. Zintu zikulukulu zyamaninina zyoonse zyaba zipya. (2 Ba-Korinto 5:17).

**5. Muyakuba muluumuno.** Lino mbuli mbutululamikwa kulusyomo, atube aluumuno muli Leza kwiinda muli Jesu Kristo mwami wesu. (Ba-Roma 5:1). Lino bukamboni mboobu, Leza wakatupa buumi, butamani, obu buumi buli mumwanaakwe. Cyo ujisi mwana ulijisi buumi pele oyo utajisi mwana a-Leza tajisi buumi pe pele zintu ezi ndakazilemba kuli ndinywe nimuzumina muzina lya mwana a-Leza. Kuti muzibe kuti mulijisi buumi butamani. (1 Johane 5:11-13).

## **MBULI MBUTUNGA TULABA ABUUMI BUPYA**

**1. Kubala Bbaibbele** mazuba oonse. Takuli kuti ninzila yamumuni wesu ilike pe. Pele kuti ncakulya cabuumi. Amukozye mbuli bavwanda kukuyandisya mukupa, mukupa wamuuya uutavwelwi acintu kuti mukomene mulusyomo. (1 Petro 2:2). Mukumbile kuli Leza kuti amusololele akumuyiisya ciindi nimubala majwi aakwe mumuuya usalala.

**2. Kuboola afwaafi kuli Leza mukukomba mazuba oonse,** kokumbila muzina lya Jesu. Mutalibiliki cintu niciba comwe, pele kuzintu zyoonse amupangike myoyo kukukomba akukukombelela. Cakulumba kuti inkumbizyo zyanu zizibisigwe kuli Leza, elyo lumuno lwa Leza lwiinda miyeeyo yoonse yabantu luyooynaminina myoyo yanu amiyeeyo yanu muli Kristo Jesu. (Ba-Filipi 4:6-7).

**3. Amwambile bambi makani a Kristo.** Koya kunganda yako kubeenzinyoko, ukabalwiide ezyo nzyakucitila mwami, ambwakufwida luzyalu. (Marko 5:19).

**4. Mumasunko mumwite mwami.** Awalo mbubonya mbwaakalimvwida mwini kukusunkwa akupenga, ncobeni inga ulakonzya kubagwasya abo aba sunkwa. (Ba-Hebrayo 2:18).

**5. Namwawida mucibi amulyambilile kufwambaana kuli Leza,** kuti twalyaamba zibi zyesu, walo ulasyomeka akululama, akutulekelela zibi zyesu akutusalasizya zitaluleme zyoonse. (1 Johane 1:9).

**6. Amuyandana abana Kristo bakuzikombelo zimbi mumwami Jesu Kristo.** Ngooyu mulawo wangu kuti muyandane, mbubonya mbwendamuyanda. (Johane 15:12).

**7. Amuyoowe Leza ciindi coonse.** Na muntu ulandiyanda unoobamba ijwi lyangu. (Johane 14:23).

**8. Mutayoowi nkaambo Kristo ulaandinywe.** Walo wakati, buumi bwana butabi bwa kuyanda mali pe, basyacivule mwangu, nsikwe neyo mulekelezya nokuba kuyomuleka buyo peepe. (Ba-Hebrayo 13:5).

**9. Amulyaabe lwanu muli Jesu mwami cakumaninina.** Amumulekele kuti walo amuzuludile mbumi bwana muluyando lwakwe. Aboobo mulajana kukondwa kwakasimpe. Mwami Jesu Kristo ngo mufutuli mwini mwini. Walo ulijisi zyoonse zyombula.

---

For **free** Gospel literature, books and tracts in over 540 languages, write to:

**E-MAIL: [info@angp.co.za](mailto:info@angp.co.za)**

**ALL NATIONS GOSPEL PUBLISHERS**

**P.O. Box 2191, PRETORIA, 0001, R.S.A.**

(A Gospel Literature Mission financed by donations)

(Reg. No. 1961/001798/08)